

Künige nit mit eyden schwüren
Iedoch so was er leidig aller vor-
chte. Vmb wanckes an ir trewe.
Wan steren dienst sein tugent
nye verwachte.

Gynouer wile der frauen.
Vnd auch der reicheit gutes. Zu
velde mocht man schauen. Vil
ritter werd vnd ellenthaft des
mütes. Iedoch sy funden streit
dar sy do wolten. So das vil rit-
terlichen. Streit der herte ward
do von in vergolten.

Durch was die samēunge.
So gahes ward erzeyget. Ob ori-
lus ertzunge. Die rotte groh do
mit er hic vrlayget. Nei es ward
durch neid vn haß erzeyget. Die
tschyonatulan der. Auf florisch-
antz anpreise het geneiget.

Alle die im noch leystē. Ir hel-
fe sunder tzingen. An wirt-
keit die meisten. Vnd aller sicher-
heit gar sunderlingen. Als er zu
doler het sy leidig lassen. Dz noch
sein hohe wirtde. Kunde in lob
noch höher vil gefallen.

Das die von nauerre. Verlo-
ren hetten irn herren. Die wol-
tent sunder barre. Do mit haffe
wonen bey den erren. Des kun-
de geolars sy vnder weisen. Der
was irs herren brüder. Vn wolt
do selbe rache tun nach preisen.

In half auß panturteise. Barn
dilebeline. Mit vil starcker reyse
Der da wolte rechen mage sine.
Die tschyonatulan het geletzet
Ospynel der fürste. Wz ir eyner
den do het entsetzet.

So was der mit dem rüche.
Die burg do het gamuret Zu haf-
se wol mit rüche. So was do kü-
nige vil die nit beturet. Sy wol-
ten den von graswalde vertrei-
ben. Was halff sein hohe wirtde
Sole er nit an d wirtkeit beleibe

Ob yemandt wirtde lebens.
Die lenge helffen solte. So pflē-
ge sein wirtde gebens. Gen im dz
er noch lange leben doltē. Biz d
welte leben stet gemessen. Jun g
bzunnē balsam flusse. Mocht er
mit wirtkeit wol han besessen

Ereck vnd edolantzen. Vnd
ospynel den reffen. Vnd iozet d
bekrantzen. Mit waldes reicheit
paradis gemessen. Vil nahe an d
edeln boume fruchte. Orilusen
die viere. Helle iaben artus czu
wider bruchte.

Fyn fürst vnd künige dnye.
Die das erwinden solten. Das sy
kein malye. Erzeygten dem der
wolgen in vergolten. Hette hel-
fe etlicher er von kinde Erzogen
het der werde. Von bytun czu
liebem ingesinde.

Do kund es sich von haffe.
Den helden suß gefügen. Das sy
die trewen lasse. Nyemant kund
darumbe vol gerügen. So mit
sippe vnd suß von mangan sa-
chen. Wer bey der tafelrunde.
Erzogen was der kunde sich nit
schwachen.

Ir bot zu vil im hassen. Der
haubte kronere. Zu nemē für
dz lassen. Gen solchen noten im
nun besser were. Wye lang es